

Inatsisissamut siunnersuummut nassuiaatit.**Nalinginnaasumik nassuiaatit.**

Inatsisartut 1985-imi februarimi ataatsimiinneranni kalaallit erfalasussaata qanoq isikkoqarnissaa aalajangiiffigineqarpoq. Tamatuma kingorna Kalaallit Nunaannut ministerip Folketingimut siunnersuutigaa Kalaallit Nunaat namminerisaminik erfalasoqalissasoq.

Inatsisissamut pisinnaatitsissutissamut siunnersuut taanna aqutugalugu naalagaaffimmi oqartussaasut anguniarpaat kalaallit efalasoqarnermik tungaatigut Savalimmiuni aqqissuussinertut ittumik periarfissaqalersinneqassasut. Kalaallit namminerisaminnik erfalasoqalernissaat akuersissutigineqassaaq, taavalu taassuma ilusissaa Kungip peqqussutaatigut aalajangersarneqassalluni. Kalaallit erfalasuata Kalaallit Nunaanni kiisal u umiarsuarni Kalaallit Nunaanni angerlarsimaffilittut nalunaarsorneqarsimasuni atorneqartarnissaanut Oqartussaaneq Namminersornerullutik Oqartussaniitineqassaaq.

Naalagaaffimmili oqartussaasut maannamutuut Dannebrog atussavaat, aammalu inuit ataasiakkaat piumagunik Kalaallit Nunaata nunataani Dannebrog maannamutuut atorsinnaassavaat. Tamakku saniatigut inatsimmi pisinnaatitsissummi periarfissiisoqarpoq kalaallit erfalasuata Danmarkimi Savalimmiunilu atorneqarsinnaanngorlugu.

Kalaallit Nunaata erfalasuata pillugu Inatsisartut inatsisissaannut siunnersuuttip erfalasuup Kalaallit Nunaanni atorneqarnissaanut aalajangersakkat imarai, aalajangersakkatigut taakkunuunatigut siunertarineqarpoq kalaallit erfalasuata ataqqineqarnissaata qularnaarunneqarnissaa. Taassuma saniatigut aalajangersarneqarpoq umiarsuit Kalaallit Nunaanni angerlarsimaffilittut nalunaarsorneqarsimasut naalagaaffimmi oqartussaasut umiarsuarinngippatik kalaallit erfalasuata inuiaassutsimut ilisarnaatitut erfalatorissagaat.

**Inatsisartut inatsisissaannut siunnersuummi aalajangersakkanut
ataasiakkaanut nassuiaatit.**

§ 1-imut.

Imm. 1-imi aalajangersakkakut qularnaarneqarpoq erfalasup isikkua allannortinniarlugu inassuteqartoqassappat aatsaat taamaaliortoqarsinnaassasoq Inatsisartut tamarmiusut aalajangerneratigut.

Imm. 2-mi aalajangersarneqarpoq ilisarnaatit aalajangersimasut allallu erfalasumi atorneqartassanngitsut. Savalimmiormiut erfalasuut pillugu lagtingiata inatsisaani taamatut aalajangersagaqarportaaq.

Imm. 3-mi aalajangersakkakut siunertarineqarpoq erfalasut eqqortumik ilusiligaanngitsut nioqutigineqannginnissaata qularnaarneqarnissaa. Aalajangersakkami pineqartut tassaapput erfalasut erfalasuvtuulli tamanut takusassiatut atorneqartussat, erfalasuqqat nerriviit qaanni allatullu pinneraatitut taamaaqataattulluunniit atorneqartussat pineqaratik. Savalimmiormiut erfalasuut pillugu lagtingiata inatsisaani taamatut aalajangersagaqarportaaq.

§ 2-mut.

Naalakkersuisut ullunik erfalasuulerriffisanik aalajangersaasarnissaminut pisinnaatitaanerat taamaallaat Namminersornerullutik Oqartussat kommunellu illuutaanni kalaallit erfalasuannik erfalasuulertarnissamut tunngavoq, tassa naalagaaffimmi oqartussaasut maannamutuut Dannebrog atortussaamassuk.

§ 3-mut.

Aalajangersakkatigut anguniarneqarpoq erfalasup ataqqineqarnissaata tunngavilersorneqarnissaa, erfalasut nalinginnaasumik atorneqartarnerattut atorneqartartussanngorlugu. Kisianni erfalasoq kalaallit nioqutissiaasa tuniarnearneranni atorneqarsinnaassasoq akuersissutigineqarpoq. Savalimmiormiut erfalasuut pillugu lagtingiata inatsisaani taamatut aalajangersagaqarportaaq.

§ 4-mut.

Imarsiornermi ileqquusut malillugit erfalasoq umiarsuarni inuiaassutsimut ilisarnaatitut atorneqartarpoq. Taamaammat siunnersuutigineqarpoq kalaallit umiarsuaasa Kalaallit Nunaata erfalasu inuiaassutsimut ilisarnaati tut erfalatorissagaat. Angallatit mikinerusut angallatinut nalunaarsuiffimmi umiarsuarnulluunniit nalunaarsuiffimmi nalunaarsorneqarsimanngitsut aalajangersakkani ilaatinneqanngillat, aammalu aalajangersakkat naalagaaffimmi oqartussaasut umiarsuaannut atuunnatik. Savalimmiormiut erfalasuut pillugu lagtingiata inatsisaani taamatut aalajangersagaqarportaaq.

§ 5-mut.

Siunnersuutigineqarpoq inatsit akiliisitsisoqartassasoq.

unioqqutinneqaraangat Savalimmiormiut erfalasuut pillugu lagtingiata inatsisaani taamatut aalajangersagaqarportaaq.

§ 6-imut.

Ulloq inatsisip atulorfissaatut siunnersuutigineqartoq tassa kalaallit inuiaattut ullorsiorfiat.

Pisariinnerusumik periuseqarnissaq siunertaralugu imm. 2-mi siunnersuutigineqarpoq § 4-mi umiarsuit erfalasoqartarnissaat pillugu aalajangersakkat aatsaat kingusinnerusukkut atulersinneqassasut.